

Incumbensa Cramerì concernent il dretg da votar e d'eleger per persunas cun impediments spiertals

Exclusas dal dretg da votar e d'eleger è – tenor l'art. 9 al. 2 da la Constituziun dal chantun Grischun (CC; DG 110.100) – persunas che stattan sut assistenza cumplexsiva u che vegnan represchentadas tras ina persuna che ha l'incumbensa d'avair quità dad ellas pervia da l'incapacità permanenta da giuditgar. Sch'ina persuna che stat sut assistenza cumplexsiva u che vegn represchentada tras ina persuna che ha l'incumbensa d'avair quità dad ella, vegn esclusa dal dretg da votar e d'eleger, è quai ina greva intervenziun en ses dretgs politics. L'exclusiun sa basa plinavant sin la faussa idea, che la persuna na saja betg abla da sa furmar ina voluntad politica. Ch'ina persuna cun in impediment spiertal possia exequir il dretg da votar e d'eleger, è ina chausa evidenta ed er prescrit tras lescha: La Convenziun da l'ONU davart ils dretgs da las persunas cun impediments ed il scumond constituziunal da la discriminaziun pervia d'in impediment prescrivan, che nagin na dastga vegnir exclus dal dretg da votar e d'eleger pervia d'in impediment spiertal. Ils chantuns Genevra ed Appenzell Dadens han abolì quest tractament inegual; en ils chantuns Basilea-Cità, Soloturn, Neuchâtel, Vad, Turitg e Zug èn pendentas intervenziuns correspundentas. Sut quest aspect sto l'exclusiun dal dretg da votar e d'eleger pervia d'ina assistenza cumplexsiva u pervia d'ina incumbensa da provediment vertenta vegnir abolida.

Las sutsegnadras ed ils sutsegnaders incumbenseschan la Regenza da stgaffir las basas legalas, per che naginas burgaisas svizras e nagins burgais svizzers che vivan en il chantun Grischun, na vegnian exclus dal dretg da votar e d'eleger pervia d'in impediment.

Cuira, ils 23 d'avrigl 2026

Cramerì, Rutishauser, Holzinger-Loretz, Atanes, Bardill, Baselgia, Bergamin, Biert, Bischof, Bisculm Jörg, Cahenzli-Philipp, Caluori, Collenberg, Danuser (Cuira), Danuser (Cazas), Degiacomi, Della Cà, Derungs (Domat), Derungs (Lumbrein), Dietrich, Ehrler, Epp, Furger, Gartmann-Albin, Kohler, Kreiliger, Lamprecht, Loepfe, Maissen, Mazzetta, Michael (Donat), Müller, Nicolay, Pfäffli, Rageth, Sax, Tomaschett (Cuira), Tomaschett (Breil), Wieland, Zanetti (Sent), Zanetti Livio (Landquart), Zanetti Mario (Landquart), Zaugg-Ettlin, Zindel